



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган



WWW.XS.UZ



E-mail: Info@xs.uz



2018 йил 16 май, № 99 (7057)

Чоршанба

Сайтимизга ўтиш учун QR-кодни
телефонингиз орқали сканер қилинг.



ЎЗБЕКИСТОН РЕСПУБЛИКАСИ ПРЕЗИДЕНТИ БУЮК БРИТАНИЯ ТАШҚИ ИШЛАР ВАЗИРИ ЎРИНБОСАРИ БИЛАН УЧРАШДИ

Ўзбекистон Республикаси Президенти Шавкат Мирзиёев 15 май куни
Лондон шаҳри аэропортида қисқа техник тўхташ давомида
Буюк Британия ташқи ишлар вазири ўринбосари Алан Дункан билан учрашди.



Бу ҳақда Ўзбекистон Республикаси Президентининг Матбуот хизмати хабар беради.

Суҳбат давомида давлатимиз раҳбари икки томонлама ҳамкорлик борасида мавжуд улкан салоҳиятни самарали рўёбга чиқариш мўҳим эканини алоҳида таъкидлади.

Турли даражалардаги мулоқотларни жадаллаштириш, амалий ҳамкорликни ривож-

лантириш, савдо-иқтисодий, инвестициявий, инновацион, молиявий, маданий-гуманитар ва бошқа соҳалардаги қўшма дастур ва лойиҳаларни амалга ошириш масалаларига алоҳида эътибор қаратилди.

Ташқи ишлар вазири ўринбосари давлатимиз раҳбари Шавкат Мирзиёевга Буюк Британия Бош вазири Тереза Мэйнинг саломи ва эзгу тилакларини етказди.

Алан Дункан мамлакатимизда янги босқичда амалга оширилаётган ислохотларга, Ўзбекистоннинг минтақада хавфсизлик, барқарорлик ва изчил тараққиётни таъминлашга қаратилган фаол саъй-ҳаракатларига, жумладан, жорий йил март ойида Тошкент шаҳрида Афғонистон бўйича халқаро конференция муваффақиятли ўтказилганига юксак баҳо берди.

Буюк Британия давлатларимиз ўртасидаги кенг кўламли ҳамкорликни янада мустаҳкамлашга тайёр экани қайд этилди.

Лондондаги техник тўхташдан сўнг Президентимиз АҚШга жўнаб кетди.

Ў.А.

Ўзбекистон Республикаси
Президенти Матбуот хизмати
сурати.

ЎЗБЕКИСТОН РЕСПУБЛИКАСИ ПРЕЗИДЕНТИ АҚШГА КЕЛДИ

Ўзбекистон Республикаси
Президенти Шавкат Мирзиёев
Америка Қўшма Штатлари
Президенти Дональд Трампнинг
таклифига биноан 2018 йил
15 май куни илк расмий ташриф
билан Вашингтонга келди.

Вашингтон, 15 май.
ЎЗА махсус мухбири
Абу Бакр ўРОЗОВ хабар қилади.

АҚШ пойтахтидаги «Эндрюс» аэропортида Ўзбекистон Республикаси Президентини АҚШ расмий вакиллари кутиб олди.

Бўлажак олий даражадаги мулоқотга икки томон ҳам катта эътибор билан қарамоқда. АҚШ маъмурияти Ўзбекистон Президенти ташрифини тарихий воқеа сифатида баҳоламоқда.

Ташрифнинг асосий тадбирлари 16-17 май кунларига белгиланган. 16 май куни Шавкат Мирзиёев Оқ уйда Дональд Трамп билан учрашади. Музокаралар аввал тор доирада, сўнг кенгайтирилган таркибда бўлиб ўтади.

Аввал хабар қилинганидек, олий даражадаги музокараларда Ўзбекистон — АҚШ ҳамкорлигининг бугунги ҳолати ва ривожлантириш истиқболлари муҳокама қилинади. Халқаро ва минтақавий аҳамиятга молик долзарб масалалар юзасидан фикр алмашиш режалаштирилган. Вашингтонда давлатимиз раҳбари, шунингдек, АҚШ Конгресси, Мудофаа вазирлиги ва Давлат департаменти ҳамда Жаҳон банкида икки томонлама учрашувлар ўтказилади.

Расмий ташриф якунида икки мамлакат Президентлари «Ўзбекистон ва Америка Қўшма Штатлари: стратегик шериклик янги даврининг бошланиши» деб номланган Қўшма баёнотни имзолаши, шунингдек, турли соҳаларда ўзаро муносабатларни янада мустаҳкамлашга қаратилган 40 дан ортиқ ҳужжатлар тўплами қабул қилиниши кутилмоқда.

Ў.А.

Ҳисоб палатасининг ўтган йилдаги фаолияти кўриб чиқилди

Сиёсий партияларнинг Олий Мажлис Қонунчилик палатасидаги фракциялари йиғилишлари бўлиб ўтди. Уларда Ўзбекистон Республикаси Ҳисоб палатасининг 2017 йилдаги фаолияти тўғрисидаги ҳисоботи атрофлича кўриб чиқилди.

ПАРЛАМЕНТДАГИ МУХБИРИМИЗ ХАБАР ҚИЛАДИ

Чунончи, Тadbиркорлар ва ишбилармонлар ҳаракати — Ўзбекистон Либерал-демократик партияси фракцияси йиғилишида тақдим қилинган ахборотда Ҳисоб палатасининг ўтган йилги фаолиятида Ўзбекистон Республикасининг Бюджет кодексига мувофиқ, Давлат бюджетининг самарали ижро этилишига, молиявий маблағлардан мақсадли фойдаланилишига, иқтисодиёт барча соҳасининг барқарор тараққий топишини таъминлаш учун мўлжалланган давлат ҳамда минтақавий ривожланиш дастурларининг ижросини ўрганишга алоҳида эътибор қаратилгани таъкидланди.

Ҳисоб палатаси томонидан маҳаллий бюджетларга

қўшимча даромад манбаларини аниқлаш мақсадида республика ҳудудида ўтказилган ўрганиш ва таҳлиллар натижасида қарийб 120 млрд. сўмликдан ортиқ қўшимча даромад манбалари аниқланиб, бу борада ҳудудий молия ҳамда солиқ идораларига 50 дан ортиқ йўналишларда таҳлилий ишларни амалга ошириш бўйича тегишли кўрсатмалар берилган.

Президентимизнинг пойтахтимиз Чилонзор туманида саноят ва хизмат кўрсатиш йўналишида истиқболли лойиҳаларни қўлай-тириш бўйича тақлифларни тайёрлаш ҳамда Самарқанд ва Хоразм вилоятларида саноят, қишлоқ хўжалиги ҳамда хизмат кўрсатиш соҳаларини ривожлантиришга

оид лойиҳалар ва уларнинг “йўл харита”лари параметрлари, молиялаштириш манбалари, ташаббускор-инвесторлари ҳамда амалга ошириш муддатлари асосли экани юзасидан Ҳисоб палатаси томонидан ўрганишлар ўтказилган. Натижада Чилонзор туманида умумий қиймати 568,4 млрд. сўмлик 90 та қўшимча лойиҳа сараланиб, ҳар бир лойиҳа бўйича тармок жадваллари ишлаб чиқилиб, тасдиқланган. Хоразм ва Самарқанд вилоятлари бўйича 743 та инвестицион лойиҳанинг молиялаштириш манбалари, суммаси ҳамда амалга ошириш муддатлари қониқарсиз даражада ишлаб чиқилгани аниқланиб, уларнинг “йўл харита”-

ларини расмийлаштирилиши бўйича тегишли кўрсатмалар берилган ва инвестицион лойиҳалар сони 387 тагача камайтилган.

Фракция аъзолари таъкидлаганларидек, мавжуд муаммоларни, бюджет интизомига риоя қилиш ҳолатини ҳар томонлама ўрганиш мўҳимдир.

Ўзбекистон “Миллий тикланиш” демократик партияси фракцияси аъзолари мазкур ҳисобот юзасидан ўз фикр-мулоҳазаларини билдириб, Давлат дастурида белгиланган маданий ҳамда археология мероси объектларини асраб-авайлаш, улардан оқилона фойдаланиш ва инфратузилмани ривожлантириш тизимини такомиллаштириш бўйича чора-тадбирларнинг тизимли равишда бажарилиши устидан Ҳисоб палатаси назоратини янада кучайтириши лозимлигини алоҳида таъкидладилар.

(Давоми 2-бетда).



Фуқаролик ишлари бўйича судларга ҳужжатларни электрон шаклда топшириш мумкин

Фуқаролик ишлари бўйича Зангиота туманлараро судида тизимга жорий этилаётган замонавий ахборот-коммуникация технологиялари ҳамда уларнинг афзалликларига бағишланган пресс-тур ташкил қилинди.

Таъкидланганидек, Ҳаракатлар стратегиясига мувофиқ, юртимизда суд-ҳуқуқ соҳасига оид ислохотлар изчил олиб борилаётган. Бундан кўзланган

асосий мақсад фуқароларнинг одил судловга эришиш даражасини ошириш, суд ҳокимия-

ПРЕСС-ТУР

тининг чинакам мустақиллигини таъминлаш ҳамда инсон ҳуқуқ ва эркинликларини ишончли муҳофаза этиш кафолатларини кучайтиришдан иборат.

Тизимга замонавий ахборот-коммуникация техноло-

(Давоми 2-бетда).



Тошкент — Хўжанд — Тошкент йўналишида автобус қатнови йўлга қўйилди

Давлатимиз раҳбарининг жорий йил март ойида Тожикистон Республикасига қилган давлат ташрифи чоғида икки мамлакат ўртасида халқаро

КУЛАЙЛИК

автомобиль қатновини йўлга қўйишга оид битим имзоланган эди. Бугун унинг ижроси таъминланиб, Тошкент — Хўжанд — Тошкент йўналиши бўйлаб Ўзбекистон ва Тожикистон ўртасида автобус қатнови йўлга қўйилди.

(Давоми 2-бетда).



ҲАМКОРЛИК

Пойтахтимизда Германия — Ўзбекистон ишбилармонлар кенгаши мажлиси ҳамда икки мамлакат тадбиркорлари иштирокида бизнес форуми ўтказилди.

Савдо-иқтисодий алоқалар янада кенгайди

Ўзбекистон Республикаси Ташқи ишлар вазирлиги, Инвестициялар бўйича давлат қўмитаси, Савдо-саноат палатаси ва бошқа ташкилотлар ҳамкорлигида ташкил этилган ушбу анжуманда икки давлатнинг иқтисодиёт, савдо-саноат, энергетика, кимё, автомобилсозлик, қишлоқ хўжалиги машинасозлиги, логистика, туризм, қурилиш каби соҳалар учун масъул вазирлик ҳамда идоралари, 70 дан ортиқ компаниялар ва концернлар раҳбарлари қатнашди.

Тadbирда таъкидланганидек, Ўзбекистон — Германия ўртасидаги тенг манфаатли алоқалар кеча ёки бугун бошлангани йўқ. Ҳамкорлик ўтган давр мобайнида изчил ривожланаяпти. Айниқса, сўнгги икки йилда савдо-иқтисодий йўналишдаги муносабатлар янада мустаҳкамланди. Бунда Президентимиз Шавкат Мирзиёев ташаббуси билан амалга оширилаётган ислохотлар, айниқса, чет давлатлар билан савдо-сармоявий алоқаларни фаоллаштириш, хорижий инвесторларга зарур шарт-шароитлар яратиб берилаётгани мўҳим омил бўлмоқда.

Айтиш жоизки, Германиядан Ўзбекистон иқтисодиётига халб қилинган инвестициялар ҳажми 1 мил-

лиард АҚШ долларини ташкил этади. Бугунги кунда мамлакатимизда Германиянинг ўз соҳасида етакчи бўлган “МАН”, “Клаас”, “Лемкен”, “Кнауф” каби 130 дан ортиқ концерн ҳамда корхоналари муваффақиятли фаолият юритмоқда. Улар турли рўсумдаги юк автомобиллари, замонавий қишлоқ хўжалиги техникалари, қурилиш материаллари, энгил саноат, тиббиёт, фармацевтика маҳсулотлари ишлаб чиқариш, мева-сабзавотларни қайта ишлашга ихтисослаштирилган.

Икки давлат ўртасидаги фаол ишбилармонлик муҳити натижасида ўзаро товар айирбошлаш ҳажми ўтган йили 600 миллион АҚШ долларидан ошди. Жорий йилда бу кўрсаткични янада кўпайтириш кўзда тутилган.

— Бу галги мажлисимиз кўтаринки руҳда, аниқ тақлиф ва самарали музокараларга бой тарзда кечгани билан ажралиб турди, — дейди Германия — Ўзбекистон ишбилармонлар кенгаши аъзоси Фальк Порше. — Ўзаро иқтисодий алоқаларни ривожлантириш масалаларини муҳокама қилдик. Бир қатор йўналишларда ҳамкорликни йўлга қўйиш режалаштирилди.

(Давоми 2-бетда).



ДУНЁ НИГОҲИ



«ДОНАЛД ТРАМП ЎЗБЕКИСТОН ПРЕЗИДЕНТИ БИЛАН ОҚ УЙДА УЧРАШАДИ»

Америка Қўшма Штатларида чоп этиладиган кўплаб йирик нашрларнинг асосий сарлавҳалари шу мазмунда бўлди.

Хусусан, нуфузли “The Washington Post” газетасининг ёзишича, Дональд Трамп ва Шавкат Мирзиёев мамлакатлар ўртасидаги икки томонлама стратегик ҳамкорликни янада ривожлантириш

The Washington Post

йўллари муҳокама қилади.

Кўп сонли ўқувчиларга эга “The New York Times” газетасининг қайд этишича, музокаралар чоғида Ўзбекистонда турли соҳаларда ҳаётга татбиқ этилаётган ислохотлар ҳақида америкалик сиёсатчилар, экспертлар

The New York Times

яқиндан хабардор бўлишади. Чунки кейинги икки йил ичида республикада мўҳим ўзгаришлар жараёни бошланган бўлиб, Вашингтонда ушбу воқеа-ҳодисаларга катта қизиқиш билдирилаяпти, дейди нашр вакиллари.

“Яна бир мўҳим масала — икки томонлама савдо-

Associated Press

сотиқни кенгайтириш ва ўзаро сармоялар ҳажмини оширишдан иборатдир”, дейилади АҚШнинг энг йирик ахборот агентлиги “Associated Press” таркатган хабарда.

Экспертлар ва таҳлилчилар орасида машҳур бўлган “The National Post” хабар қилганидек, икки давлат раҳбарлари “Марказий Осиёдаги минтақавий хавфсизлик билан боғлиқ ўта мўҳим масалаларни кўриб чиқадилар. Бунда асосий

NATIONAL POST

эътибор Афғонистондаги вазиятни барқарорлаштиришга қаратилиди”.

Ўзбекистон раҳбарининг Вашингтонга ташрифи ҳақидаги салмоқли материалларни “Los Angeles Times”, “Star Tribune”, “Chron”, “Herald Dispatch”, “Standard Journal” сингари йирик нашрлар ҳамда қатор бошқа оммавий ахборот воситалари ҳам чоп этдилар.

STRATFOR
GLOBAL INTELLIGENCE

Олий даражадаги Ўзбекистон — Америка музокаралари экспертлар

орасида ҳам катта қизиқиш уйғотмоқда. Жумладан, “Stratfor” таҳлил маркази Президент Шавкат Мирзиёевнинг АҚШга расмий ташрифини “хафтанинг энг мўҳим геосиёсий воқеаларидан бири” сифатида тилга олди. Яна бир “ақл маркази” Атлантик Кенгаш (The Atlantic Council) сайтида жойлаштирилган мақолада Ўзбекистонда амалга оширилаётган ислохотлар ҳақида сўз юритилди. Чунончи, унда мамлакатнинг ташқи дунёга очилишини таъминлаш, давлат ва ҳамият муносабатларини мутлақо янгитдан йўлга қўйишга қаратилган мазкур ўзгаришлар “Марказий Осиё тарихида янги саҳифа очди”, дея таъкидланади.

Вашингтонда жойлашган Тинчлик ва уруш масалалари институти экспертларининг ёзишича, қисқа давр ичида Ўзбекистон раҳбари ташаббуси билан мўҳим ислохотлар, шу жумладан, ҳуқуқни муҳофаза қилиш тузилмаларида йирик ўзгаришлар амалга оширилиб, уларнинг ҳуқуқ ва ваколатлари аниқ

INSTITUTE FOR
WAR & PEACE REPORTING
I W P R

белгилаб қўйилгани қайд этилади. Ўз навбатида, Марказий Осиё ва Кавказ институти веб-сайтида жойлаштирилган мақолада Ўзбекистондаги иқтисодий модер-

Central
Asia-Caucasus
Institute

низация жараёна-рига қўри баҳо берилди. Мазкур жараён нафақат аҳоли фаровонлигини юксалтириш, балки давлатнинг

стратегик позициясини мустаҳкамлашга хизмат қилиши эътироф этилди.

Анвар МИРЗАЕВ
«Халқ сўзи»
тайёрлади.

«Халқ сўзи» мухбирлари хабарлари асосида тайёрланди.



БУХОРОДА ТУРИЗМ ИҚТИСОДИЁТНИНГ МУҲИМ ТАРМОҒИГА АЙЛНАДИ

Давлатимиз раҳбарининг 2018 йил 3 февралдаги “Ўзбекистон Республикаси туризм салоҳиятини ривожлантириш учун қулай шароитлар яратиш бўйича қўшимча ташкилий чора-тадбирлар тўғрисида”ги Фармони, 7 февралдаги “Ички туризмни жадал ривожлантиришни таъминлаш чора-тадбирлари тўғрисида”ги қарориди белгилаб берилган вазифалар ижроси шахар ва қишлоқларимиз инфратузилмаси яхшиланиб, аҳоли турмуш даражаси ошишига хизмат қилади. “Ўзбекистон бўйлаб саёҳат қил!” ички туризмни ривожлантириш дастури доирасидаги фаоллашув ҳамда чет эллардан сайёҳлар оқимининг жадал ошиб бораётгани юртимизнинг жозибадор гўшаларига дунё аҳли орасида қизиқиш кўчилигини англатади. Ўзбекистон Республикаси Туризмни ривожлантириш давлат қўмитаси раисининг маслаҳатчиси, туркиялик эксперт, сайёҳлик бўйича йирик мутахассис Содиқ Бадак ўз чиқишларида европаликларнинг юртимиздаги тарихий ва экотуризмга қизиқишларини, Хиндистон, Малайзия, Индонезия, Туркия, Саудия Арабистони ҳамда Эрон мамлакатларидан келадиганлар зиёрат туризмига, Хитой, Япония, Жанубий корейлик сайёҳлар эса маданий ва кўнгилочар туризмга мойилликларини баён этди.

Хар бир ишга дид ва эътибор билан ёндашиш керак

— Сайёҳликнинг самара келтириши шароитга bogлиқ, — дейди тарих фанлари доктори, Бухоро давлат университети профессори Шодмон Хайитов. — Етти пир — Хазрат Абдухлоқ Ғиждувоний, Хожа Муҳаммад Ориф ар-Ревгарий, Хожа Махмуд Анхир Фағнавий, Хожа Али Ромитаний, Хожа Муҳаммад Бобойи Самосий, Саййид Амир Кулол, Хазрат Баҳоуддин Нақшбанд макбара ҳамда мажмуалари зиёрати учун шаклланаётган инфратузилма, йўлларнинг созланиши ички ва ташқи туризм ривожига ижобий таъсир кўрсатади. Меъморий обидаларни қадимда қандай бўлган бўлса, шу ҳолича сақлаб қолиш ёки уларни таъмирлашда қадимийликка амал қилиш лозим. Мавжуд тарихий ёдгорликлар ҳали тўлиқ рўйхатга олинмагани рoст. Рўйхатга олиб, улар ҳақида муфасссал маълумотлар тайёрлаш учун ҳозир олимлар ҳамда магистр талабалардан иборат гуруҳни жалб этганмиз. Мана шу ишлар амалга оширилса, бу тарихий ёдгорликларнинг сайёҳликдаги аҳамияти аниқ намоён бўлади. Бухорода 300 дан ортиқ мадрасалар, 30 та ҳовуз бўлган. Уларнинг ҳозирги аҳволи қанақа, қанчаси қай даражада сақланиб қолган, ўз ҳолича қолдирилиши зарур бўлган-ларию таъмирга муҳтожлари қанча — бу вазифалар мутасадди ташкилотлардан тортиб, мутахассисларнинг зиммасига ҳам катта масъулият юклайди. Бухорога дунё сайёҳларини жалб қилиш учун мавжуд имкониятларнинг қанчаси ишга солингану яна қанчаси қўздан панада ётгани каби муаммолар ҳали-ҳануз тўлиқ ўрганиб чиқилгани йўқ. — Утган йили ички туризм бўйича 1 миллиондан ортиқ, ташқи туризм йўналишида эса 200 минг нафар сайёҳ шахримизда бўлди, — дейди Бухоро давлат университети “Туризм” факультети декани, иқтисод фанлари номзоди, доцент Абдор Жўраев. — Бу йил хориждан 350 минг нафар атрофида туристлар келиши кутуляпти.

1993 йилда ЮНЕСКОнинг маданий мерос объектлари рўйхатига киритилган Эски шаҳарнинг ташқарисидики 339 гектарлик майдонда жойлашган тарихий обидалар ҳали-ҳануз эътибордан четда. Бу жойлар ЮНЕСКО рўйхатида ҳам ёндош ҳудуд сифатида қайд этилган. Лаби Ҳовуздан Арққача бўлган асосий жойга сайёҳлар шу ердан ўтиб боришади. Бир жойни обод қилиб қўйиб, иккинчи жойга эътиборсизлик билан қараш уларнинг назаридан четда қолмайди. Ёндош ҳудудда чет элликлар излаб келадиган тарихий обидалар бор, уларнинг дид-таъбларига қарши боролмаймиз, “Уёқни қўй, бўёққа юр”, деб бўлмайди. Аҳолининг тарихий объекتلарга муносабати ҳали талаб даражасида эмас. Умумтаълим мактаблари, касб-хунар коллежлари ва академик лицейларда “Туризм асослари” фанини йўлга қўйиб, ёшлар онгига тарихий ёдгорликларда аждоқларимиз руҳи борлиги ҳақидаги гоани сингдиришимиз керак. Шундагина уларнинг қалбиди фахрифторх уйғонади, ўзлигини таниб, бундай жойларни кўз қорачиғидек асрашга интилади. Бухоро заминининг ҳар қадамида муқаддас тарихий обидалар, маданий мерос объектлари бор. Улардан баҳрамандлик эса ҳозирча 20 фойздан ортигани йўқ. Тартибсиз қурилишлар, хусусий ҳовиллар, хонадонлар орасида қолиб кетган мадраса-масжидларнинг аҳволи жиддий ўрганилиши, бу борада

“Шарқ Венецияси” деган ном билан туристлар орасида машҳур Бухоро шаҳрида сайёҳлар оқимининг кўпайиб бораётгани ҳам ана шундан далолат беради. Тарихий маълумотларга кўра, Шарқнинг машҳур қадимий кенти Бухорога милоддан аввалги биринчи минг йиллик ўрталарида асос солинган. Дунёнинг турли халқларида, хусусан, қадимги юнон, хитой, араб манбаларида Бухоро номи юксак эҳтиром билан тилга олинади. Юнон олими Клавдий Птолемей “География” асарида, хитойлик сайёҳ Сюаньцзан “Хотиралар” китобида эслаб ўтган Бухоро ўрта асрлар араб манбаларида Нумижкат, Навмичкат, Бумичкат (“Янги кўрган”), “Ал-Мадина ас-суфрийя” (“Мис шахар”), “Мадинат ат-тужжор” (“Савдогарлар шаҳри”), Фохира — “Фахрли шахар”, дея таърифланган. Ислom дини, мусулмон ахлоқи, маданияти ҳамда ҳуқуқшунослигининг Шарқдаги кучли марказларидан бирига айланган Бухоро “Қўббат ул-ислом” — “Ислom динининг гўмбазии” деган шарафга ҳам ноил бўлган. Айтиш жоизки, тарихи теран Бухоро шахри бугун ҳам дунё эътиборидидаги шахарлар рейтингида юқори поғоналарда туради.

ларшан Бухоро ипак гилам тўқиш марказида 120 та оила иш билан таъминланган. — Қадимий ҳамда замонавий дизайнлар биз ишлаб чиқарётган гиламларимизнинг ўзига хослигини таъминлайди, — дейди марказ иш юритувчиси Абдурауф Раззоқов. — Франция, Италия, Япония сингари мамлакатлардан келган сайёҳлар шунинг учун махсулотларимизни жуда қадрлашади. Бизда кўзбўямчиликка йўл қўйилмайди, тоза ипак ишлатамиз. Марғилондан тайёр ҳолда келтирилган калавалардан қорхона қошида фаолият юритаётган адрас цехида миллий матолар тўқилмоқда. — Аслида сайёҳларнинг талаб-эҳтиёжларига қараб савдогарлар Марғилондан тайёр адраснинг ўзини келтириб сотишлари арзонга тушиши мумкин, — дейди тўқувчи Зарина Солиева. — Аммо аксарият хорижликларни уни ишлаб чиқариш жараёни ҳам қизиқтиради. Улар цехимизга кириб келишлари билан ўзларини

сеҳри дунё кезган сайёҳларни ҳам лол қилиб қўйганди.

Замонавий “hostel”

“Олимжон” қарвонсаройида таниқли фотограф Шавкат Болтаев ташкил этган фотогалерея, ёш тадбиркор Жамшид Кенжаевнинг шахмат клуби хар қандай сайёҳда катта қизиқиш уйғотади. Аммо қарвонсарой четда ва қаровсиз бўлгани учун уларнинг йўли бу жойларга унча тушавермайди. Жамшид Кенжаев шахмат клубига келганларга дархол ширин чой узатади. Хоҳишига қараб, қаҳва дамлаб беради. — Бу жой тарихан олиб қараганда, меҳмонлар қўниб ўтадиган қарвонсарой бўлган, — дейди Жамшид. — Шу йилнинг бошида “Bukhara travel Drive” масъулият чекланган жамиятини ташкил қилгандим. Мақсадим бу жойда нархи ҳамма-боп бўлган замонавий қарвонсарой — “hostel” (умумий ётоқхона) очиш. Туркиядан инвесторлар ҳам топганман, улар менинг лойиҳамни қўриб чиқиб, маъқуллашди. Мақом йўлида қўйлайдиган мусиқа гуруҳини тузмокчиман. Ахир, миллий чолғуларимизни қўришнинг ўзи ҳам сайёҳлар учун қизиқарли-да...

— Бундоқ қараганда, “автостопчиқ”лар ҳам сайёҳлик соҳасини реклама қилишда катта роль ўйнайди, — дея сўзида давом этади Жамшид. — Улар Бухорога ҳам кўп келишади. “Hostel” очишга эришсам, улар қанча кўп келишсаям бепул ётоқ билан таъминлашни йўлга қўядим. Турли автоклублар ҳам сайёҳлик соҳасига хизмат қилади. Мен Россиядаги “Газ-69” автоклуби аъзосиман. Индонезия, Озарбайжон, Украина, Беларусь сингари мамлакатлардаги барча аъзоларимиз 30 нафардан зиёд. Шаҳар четида “Кемпинг” очиш ниятим амалга ошса, уларни бу ерга таклиф этмокчиман. “Автостопчиқ” дарвешлар ҳам, автоклуб аъзолари ҳам бугун дунё бўйлаб юришади, қаерда бўлишмасин, борган жойлари ҳақида гапириб беришади. Демак, буларнинг барчаси сайёҳ-

Тарихий маълумотларга кўра, Шарқнинг машҳур қадимий кенти Бухорога милоддан аввалги биринчи минг йиллик ўрталарида асос солинган.

Бухорода 300 дан ортиқ мадрасалар, 30 та ҳовуз бўлган.

Бухоро XVIII асрдан XX аср бошларига қадар мискарлик, кандакорлик бўйича Марказий Осиёнинг асосий маркази ҳисобланган.

инсон учун энг юксак унвон. У ясаган мискарлик, кандакорлик буюмлари ЮНЕСКОнинг Париждаги қароргоҳини, дунёнинг кўплаб мамлакатларидаги шахсий коллекцияларни, Бухородаги Абдухлоқ Ғиждувоний, Баҳоуддин Нақшбанд, пойтахтимизнинг Ҳастимом меъморий мажмуаларини безаб турибди. Фарзандлари Дмитрий, Владимир ҳам ота қасбини давом эттиришмоқда. Хунармандлар ўртасида ўтказиладиган кўргазмаларнинг вилоят ва республика босқичларида уларнинг ишлари юксак баҳоланган.

— Модарихон мадрасасининг бир-икки ҳужрасини хунармандлик устaxonасига айлантириб, ўтган асрнинг тўқсонинчи йиллари бошидан шу ерда фаолият юрита келаяман, — дейди Николай ака соф ўзбек тилида. — Аллоҳга шукр, муслмон бўлганимга 20 йилдан ошди. Мадрасанинг ўнлаб ҳужралари бўш ётгани афсусланарли, қанийди, хунармандлар бу жойларни тўлдириб, аждоқларининг қасб қорларини давом эттиришса, дейман.



БУХОРОГА бу йил хориждан 350000 нафар сайёҳ келиши кутуляпти.

Маълумотларга қараганда, Бухоро XVIII асрдан XX аср бошларига қадар мискарлик, кандакорлик бўйича Марказий Осиёнинг асосий маркази ҳисобланган. XX аср бошларида бу ерда 100 нафар мискар фаолият юритиб, уларнинг 50 нафари хунармандчилик буюмларини юқори сифат билан яшаш иқтидорига эга бўлган. Утган асрнинг ўрталарида мискарлик, кандакорлик бу ерда таназзулга учраб, ҳақиқий усталар қолмади. Аммо бундан ўттиз йиллар муқаддам Николай Анисимов миллий хунармандчиликнинг бу қадимий турларини қайтадан тиклашга қарор қилди ҳамда соҳага доир китоблар, альбомлар, каталоглардан чойнак, чилим, дастхўй сингари буюмларни қандай яшаш кераклигини мустақил ўргана болади. Бу йўлда унга сулолавий мискар уста Саид Фаёзовнинг таъсири ҳам катта бўлди.

— Қадимий масжид мадрасаларининг хар бир гишти рухий қувват, маънавий нур тарата олишини ҳис этган хунармандгина муваффақият қозона олади, — дейди уста Николай комил ишонч билан. — Дунёнинг турли чеккаларидан бу ерга сайёҳлар шунинг учун оқиб келишади.

— Модарихон мадрасасига ҳамма сайёҳлар ҳам келаверишмайди, — миллий хунармандчилик буюмлари ошувтаси, уста Николайнинг мухлиси Сулаймон Мўхсинов мадраса ҳовлисида сочилиб ётган стол-стулларга ишора қилади. — Аввалдан қизиқиб, маълум маълумотларга эга бўлиб, атай қидириб келадиган чет эллик сайёҳлар учун хар бир гишт, деворлардаги қадимий нақшлар мўъжиза бўлиб кўринади, соатлаб тикилиб ҳам тўйишмайди. Махаллий сайёҳлар эса бу ерда ош пиширадиган дошқозон борлигини эшитиб келишади — бундай муносабат хар қандай кишини афсуслантирмасдан қолмайди...

— Хунармандчиликнинг металл билан bogлиқ турлари йўқолиб бораётгани жуда ачинарли, — дейди Николай Анисимов. — Қозогистон киноиходкорлари катта маблағ йўналтирилган “Кўчмачилар” бадий фильмини суратга олишайётганда, аскарлар дубулгасини ясайдиган устанни ўзларида тополмай, менга келишганди. Фарзандларим билан ишлаб, уларга 16 та дубулга ясаб берганмиз. Мен ўз қасбимни ёшларга ўргатиш учун ҳаммиса тайёрман. Ўқув даргоҳи очиб беришса ҳам, майли, ўзим ўқитиб, ўзим тарбиялайман, устaxonа очиб беришса ҳам розиман — гап номда эмас, амалий натижада.

2018 йил 10 январь кўни “Ўзбекистон Республикаси Хусусийлаштирилган қорхоналарга кўмаклашиш ва рақобатни ривожлантириш давлат қўмитаси Бухоро вилояти ҳудудий бошқармаси ҳузуридаги Бухоро вилояти “Давлат мулкни ижарага бериш маркази” давлат унитар қорхонаси” директори в.в.б. А. Пўлатов имзоси билан Николай Анисимовга оғохлантириш хати юборилиб, унга “Модарихон” мажмуасидан 36,57 кв.м. биноиншоот ижарага берилгани қайд этилган ҳамда мактуб давомида турли ҳужжатлар рўқач қилиниб, устандан бу ердаги жойлар энди танлов асосида ижарага берилиши, хоҳласа, танловда қатнашиши мумкинлиги, акс ҳолда эса, жойни бушатиб қўйиш талаб этилган.

Мадрасада ўнлаб ҳужралар бўш, қаровсиз ётгани ҳолда, тарихий обидалар жонкуяри уста Николай Анисимов ижарага олиб турган арзимас жой, бир-иккита хужра учун бундай иддаолар ортиқча эканлиги ўз-ўзидан аён. Ҳолбуки, устаннинг ёшларни йўқолиб бораётган миллий хунармандчиликка ўргатиш орзусини амалга ошириш учун унга амалий ёрдам қўрсатиш кераклиги кўп ҳам бош қотирадиган муаммо эмаслиги ўз-ўзидан ойдинлашади.

— Қошимназлик хунари ҳам бир маҳаллар Бухорода пайдо бўлиб, кейин Эронга кўчган, — дейди Бухоро вилояти бош имом-хатиби Мансур Нуруллаев. — Энди у ерда бу хунар ривожланиб, ўзимизда йўқолиб кетди. Биз йўналишини тўғри олишимиз керак: вақтни бой бермай, қадимий хунармандчиликимизни, буюк аждоқларимизнинг аъаналарини давом эттиришни истаянларини хар томонлама қўллаб-қувватласан, уларга кўмаклашсан, эртага бу ўзимизга катта инвестиция олиб келади. Уста Николай айтмоқчи, маданий мерос объектлари бўлган қадимий мадраса ҳамда масжидларни ошона, кафе, ресторан ёки савдо дўконига эмас, ўша қадимий йўналишига қараб ижарага бериш керак. Бугун тушадиган арзимас ижара пулларига қизиқиб бундай ишларни ўн йиллаб орқага суриб юборади. Энди қўзимизни очилишимиз керак. Азалий аъаналарга қараб иш тутсак, бу бугун ҳам, эртага ҳам нафақат моддий, балки маънавий-маърифий даромад ҳам олиб келади. Президентимизнинг бу борада олиб бораётган сиёсатлари ҳаётга мана шундай муносабатда бўлишни талаб этмоқда, бунни тўғри англаб, тўғри йўл тутишимиз керак. Қадимий иншоотлар хунармандларга берилса, “Устоз — шоғирд” аъаналари яна тикланади, иззат-ҳурмат, маданий шаклланади.

Ўзаро мулоқотнинг қулай воситаси

— Туризм халқ фаровонлиги омили эканлигинида ташқари, ўзаро мулоқотнинг энг қулай воситаси ҳамдир, — дейди Бухоро шаҳридаги “Китоб олами” масъулият чекланган жамияти ходими Назира Мансурова. — Меҳмонхоналарга яқин ерда жойлашгани учун китоб дўконимизга чет эллик сайёҳлар жуда кўп киришади. Уларни бизнинг ҳозирги замон адибларимизнинг асарлари кўпроқ қизиқтиради, чет тилларда бундай китобларни тополмай афсусланиб чиқиб кетишади.

— Тошкентдан йўлга чиққан тезюрар поезд Бухорога 3,5 соатда, “Боинг” самолёти 50 дақиқада етиб келади, — дейди “Бухоротурист” МЧК “Гранд Бухоро” меҳмонхонаси бошқаруви раиси Аҳмад Хусаинов. — Аммо на поездда, на самолётда мамлакатимизда чоп этиладиган етакчи газета-журналларни қрасис. Самолёт мониторларида намоийш этиладиган бачкана қўрсатувлар ўрнига эса шахарларимиз ҳақида қанчадан-қанча маълумотлар берса бўлади.

— Сайёҳлар ўриндиқлар етишмаслигидан, айрим жойларда уларнинг умуман йўқлигидан, ҳоҳатхоналарнинг талабга жавоб бермаслигидан ёзғиришади, — дея ўз фикрини билдиради бухоролик Мирзо Ражабов. — Арзимасдек кўрингани билан ҳаётий эҳтиёждан келиб чиқадиган бундай омилларга ҳам жиддий эътибор қаратиш лозим.

Хорижлик сайёҳлар нима дейди?

— Бухорога илк бор келишим, — дейди швейцариялик фотограф Йоган Сафюн. — Жуда ажойиб таассуротлар олдим, туризм хизмати яхши йўлга қўйлаётганига гувоҳ бўлдим. Меҳмонхонада хизмат турларини қўлайтириш керак. Транспорт хизматини ҳам ривожлантириш зарур.

Австралиялик ҳуқуқшунос Рос Цанеснинг айтишича, Бухоро шаҳрининг тарихийлиги, одамларнинг самимияти унда ёрқин таассурот қолдирган. У хар бир сайёҳга индивидуал ёндашув лозимлигини таъкидлайди.

Малайзиялик транспорт компанияси ходими Сухари бин Мезаки йўлларнинг аҳолидан қоникмаганин билдирси, Австралиянинг Мельбурн шаҳридан келган муҳандис-маслаҳатчи хизмат қўрсатиш марказларини қўлайтириш, катта йўллар ёқасидаги сервисни яхшилаш таклифини киритади.

Соҳа мутахассислари, хорижлик сайёҳлар, ҳамюртларимизнинг фикр-мулоҳазалари эҳсирсовод-гидлар, сайёҳлик йўналишини белгилашда музейлар ҳамда бошқа илмий муассасаларнинг аҳамияти сингари долзарб мавзулар доирасида ҳали қўллаб изланишлар олиб борилиши кераклигини қўрсатади. Ана шундагина Шарқ Венецияси — Бухоро ўз сайёҳлик салоҳиятини оламга тўлиқ намоён эта олиш имконига эга бўлади.

Шойим БЎТАЕВ, «Халқ сўзи» мухбири.

АЛЛЕРГИЯ СИЗНИ БЕЗОВТА ҚИЛМАСИН



Бугунги кунда бутун дунёда экологиянинг бузилиши, ишлаб чиқаришда ҳар хил кимёвий воситаларнинг меъёридан ортқ қўлланилиши, шунингдек, нотўғри овқатланиш, гигиеник талабларга амал қилмаслик инсонларда турли аллергия касалликларининг кўпайишига сабаб бўлмоқда.

ҳамда профилактика қилиш соҳасида жиддий муаммолар сақланиб қолаётганди. Жумладан, аллергиянинг фундаментал ва амалий асослари ривож топганидан узилиб қолган, соҳа-

сослаштирилган аллергиялик ёрдам кўрсатиши такомиллаштириш, аллергия касалликларга таъминлаш ва уларни даволашда илғор услубларни жорий этиш, шунингдек, соҳада фаолият кўрсатувчи тиббиёт муассасаларининг моддий-техника базасини ҳамда кадрлар салоҳиятини мустаҳкамлаш билан боғлиқ барча масалани

да аллергия касалликларининг олдини олиш, уларга таъминлаш ва даволаш бўйича инновацион усуллар ишлаб чиқарилади.

Хужжатда клиник аллергия ва иммунология соҳасида мутахассислар тайёрлайдиган, қайта тайёрлайдиган ва уларнинг малакасини оширадиган муассасалар етакчи хорижий тиббиёт таълим муассасалари билан яқин ҳамкорлик ўрнатиши, соҳа ривожига хорижий давлатлар, халқаро молия ташкилотларининг имтиёзли кредитлари (қарзлари) ва грантларининг жалб қилиниши белгиланган.

Аллергия касалликларини эрта аниқлаш учун 18 ёшга тўлмаган ва ҳавф остида бўлган болаларни 2019 йил 1 январдан 1 июлгача бепул текшириш бўйича бир марталик умумдавлат акцияси ўтказилиши ҳам халқимизни мамнун этган тадбирлардан яна бирidir. Чунки кўпчилигимиз фарзандларимизда кузатилаётган томоқ қичиши, терида шиш ёки тошмалар пайдо бўлиши, аксирини, қўз ва бурун шиллик қаватидаги ўзгаришларни кўриб, уларни шамоллаш ёки бошқа касалликларга қарши дори воситалари ичишга мажбурлаймиз. Улар айнан аллергия касалликларининг белгилари эканлиги ҳақида эса ўйламаймиз. Умумдавлат акцияси бу борадаги муаммоларни ўз вақтида ҳал этиш имконини беради.

Мамлакатимиздаги эркин иқтисодий зоналар ҳудудига аллергия-

га қарши дори воситалари, профилактика рекомбинант аллергия вакцинлари, даволаш ва таъминлаш бўйича аллергиялик ишлаб чиқаришнинг йўлга қўйилиши, Республика илмий-ихтисослаштирилган аллергия марказида лаборатория амалиёти халқаро андозаларга (GLP) жавоб берадиган замонавий юқори технология усуллар билан жиҳозланган клиник-иммунология лабораториясининг ташкил этилиши, Тошкент тиббиёт академияси ҳамда Тошкент педиатрия тиббиёт институтига аллергия ва клиник иммунология кафедрасининг очилиши, магистрларнинг тайёрланиши соҳа истиқболдан далолатдир.

Юртимизда аллергия ўсимликлар чанги тўпланишини кузатишни ҳамда муайян ҳудудда аллергия патологияси билан касалланган беморларни хабардор қилишни назарда тутадиган аэробактериология мониторинг тизимининг, шунингдек, аҳоли "аллергия паспорти"нинг ишлаб чиқилиши ва бошқа зарур чора-тадбирлар келажакни соғлом асосда барпо этиш, жисмонан бақувват, ақлан етук авлодни камолга етказишга хизмат қилади. Зеро, эртасини ўйлаган халқнинг йўли доимо ойдin, манзили нурафшондир.

Мунис МУҲСИНОВ,
олий тоифали
аллерголог-шифокор.

ФЕСТИВАЛЬ

Урганч шаҳрида Қорақалпоғистон Республикаси ва Хоразм вилояти ёшлари иштирокида корей тили ва маданияти минтақавий фестивали ўтказилди.

Дўстлик ришталари мустаҳкамланмоқда

Корея Республикасининг Ўзбекистондаги элчихонаси ва корей миллий маданий маркази ҳамкорлигида миллий маданият, тил, урф-одат ва анъаналарни асраб-авайлаш ҳамда ривожлантириш мақсадида ташкил этилган ушбу тадбир бу йил ўнинчи бор ўтказилмоқда.

— Ўзбекистонда бошқа миллат вакиллари билан бир оила фарзандларидек аҳлиноқ яшаб келаямиз, — дейди Хивадаги "Болалар шаҳарчаси" директори, Ўзбекистон Қаҳрамони Вера Пак. — Бугунги кунда Хоразм вилоятида истикомат қилаётган 4400 нафарга яқин корей миллати вакиллари

ҳам юртимиз тараққиёти йўлида сидқидилдан меҳнат қилмоқда. Мазкур минтақавий фестиваль Қорақалпоғистон Республикаси ва Хоразм вилоятидаги дўстлик тилини ўрганаётган ёшларга ўз имконият ва салоҳиятларини тўлиқ намойиш этиш имконини беради. Бундай тадбирлар ўзбек ва корей халқлари ўртасидаги дўстлик ришталарини янада мустаҳкамлашга хизмат қилади. Фестиваль якунида фаол иштирокчилар диплом ва эсдалик совғалар билан тақдирландилар.

Одильбек ОДАМБОВЕВ,
«Халқ сўзи» мухбири.

Жиззахлик болалар Германияда даволанади

"Соғлом авлод учун" халқаро хайрия фонди Жиззах вилояти бўлими ташаббуси билан сўнгги йилларда 3 ёшдан 13 ёшгача бўлган 15 нафар ногиронлиги бўлган болалар Германия клиникаларида бепул даволаниб қайтишди.

ФАМЎРЛИК

— Болажонларнинг даволаниши 6 ойдан 3 йилгача чўзилиши мумкин, — дейди фонднинг вилоят бўлими раҳбари Мамлакат Орипова. — Бу вақтда улар махсус шарафда дунёнинг бошқа давлатларидан келган ўз тендошлари билан бирга истикомат қилишади, бу уларнинг хориж тилларини ўрганиб олишларида ҳам қўл келади.

Яқинда Германиянинг "Friedensdorf International" халқаро ташкилоти билан фонд ўртасида тузилган шартномага асосан таянч-

ҳаракат, овқат ҳазм қилиш тизими, сийдик йўли, қуйиш асоратлари ва туғма нуқсон бор жинсхаллик болаларнинг 20 нафари Самарқанд вилоятининг кўп тармоқли болалар тиббий марказида Германия шифокорлари томонидан кўриқдан ўтказилди. Тиббий хулосаларга кўра, уларнинг уч нафари Германияда, тўрт нафари Самарқандда даволаниши учун йўлланмалар олишди.

Толибжон ЭРҒАШЕВ,
«Халқ сўзи» мухбири.

Туристтик агентликлар раҳбарлари диққатига!

Ўзбекистон Республикаси Президентининг 2018 йил 7 февралдаги «Ички туризмни жадал ривожлантиришни таъминлаш чора-тадбирлари тўғрисида»ги қарори ҳамда Фарғона вилояти ҳокимлигининг 2018 йил 11 апрелдаги йиғилиши баёни ижросини таъминлаш мақсадида

«Ўзтрансгаз» АЖнинг «Фарғонагаз» филиали ишчи-ходимларини республика бўйлаб саёҳат сафарига юбориш учун 5 кун ичида туристик агентликларнинг тижорат таклифларини қабул қилади.

Мурожаат учун: Фарғона шаҳри, Бурхониддин Марғиновий кўчаси, 76-уй.
Телефон: (+998 73) 229-04-36.

«Фарғонагаз» филиали маъмурияти.

РЕКЛАМА ВА ЭЪЛОНЛАР

«Zamin Eko Agro» корхонаси ғалладан бўшаган майдонларга экиш учун «NS SEME» (Сербия) компаниясида ишлаб чиқарилган сифатли ва серхосил маккажўхори ҳамда кунгабоқар уруғларини таклиф қилади:

Маккажўхори — NS 205 F1. Эртапишар дурагай.
Веgetация даври — 90 кун. Хосилдорлиги — 10 т/га.

Кунгабоқар — Душко F1. Эртапишар дурагай.
Веgetация даври — 80 — 90 кун. Хосилдорлиги — 3-4 т/га.

Уруғлар синовдан ўтган, сертификатланган ва Давлат реестрига киритилган.

Муваффақият уруғларини экинг...

«ZAMIN EKO AGRO»
Тошкент ш., М-39 автомагистрალი,
тел: (+99897) 130-51-21, 755-02-55,
факс (+99871) 150-15-89.
www.zea.uz

«ХАЛҚ СЎЗИ»га ЭЪЛОНЛАР КАБУЛ ҚИЛИНАДИ.

9.00 дан 18.00 гача
232-11-15,
232-10-63.
E-mail: reklama@xs.uz

МИНСК АВТОМОБИЛЬ ЗАВОДИ
Беларусь Республикаси

Расмий дистрибьютор Тошкентдаги омбордан таклиф этади.

Тел.: (+998 93) 555-00-95,
(+998 93) 555-12-88,
(0-371) 291-68-94.
www.maz.by
E-mail: maztashkent@mail.ru

Махсулот сертификатланган.

ХУРМАТЛИ ЮРТДОШЛАР!

«Асака» банки

2018 йил Фаол тадбиркорлик, инновацион ғоялар ва технологияларни қўллаб-қувватлаш йили муносабати билан миллий валютада мuddатли қуйидаги янги омонат турини таклиф этади:

«ФАОЛ ТАДБИРКОР»

Ушбу омонатнинг сақланиш мuddати 6 ой бўлиб, ҳисобланган фоизлар омонат мuddати тугагандан сўнг берилади.

Шу билан бирга, «Асака» банки миллий ва хорижий валюталарда қулай шартларда 30 дан зиёд омонат турларини таклиф қилади. Омонатларни банкнинг барча филиалида расмийлаштириш мумкин.

Телефонлар: (0-371) 120-82-37, 120-82-65.

Филиаллар	Код	Телефон	Филиаллар	Код	Телефон
Тошкент шаҳар филиали	(0-371)	120-83-13	Наманган вилояти филиали	(0-369)	227-15-68
«Автотранспорт» филиали	(0-371)	120-39-95	Навоий вилояти филиали	(0-436)	770-21-29
Шайхонтоҳур филиали	(0-371)	140-39-36	Зарафшон филиали	(0-436)	572-40-14
Юнусовод филиали	(0-371)	221-80-67	Бухоро вилояти филиали	(0-365)	770-05-19
Сергели филиали	(0-371)	257-44-10	Бухоро шаҳар филиали	(0-365)	770-11-27
Тошкент вилояти филиали	(0-371)	120-84-13	Самарқанд вилояти филиали	(0-366)	233-65-47
Андижон вилояти филиали	(0-374)	223-60-74	«Афросиёб» филиали	(0-366)	221-71-76
Асака филиали	(0-374)	233-21-99	Қашқадарё вилояти филиали	(0-375)	221-07-41
«Фарҳод» филиали	(0-374)	226-96-63	Сурхондарё вилояти филиали	(0-376)	770-82-12
Фарғона вилояти филиали	(0-373)	244-39-14	Қорақалпоғистон филиали	(0-361)	770-60-59
Марғилон филиали	(0-373)	237-62-23	Хоразм вилояти филиали	(0-362)	228-14-81
Олтиариқ филиали	(0-373)	432-19-80	Сирдарё вилояти филиали	(0-367)	225-44-03
Қўқон филиали	(0-373)	542-61-01	Жиззах вилояти филиали	(0-372)	226-43-11

Омонатлар Фуқароларнинг банклардаги омонатларини кафолатлаш фонди томонидан кафолатланади.

Сизнинг омонатларингиз:

- солиқлар ва мажбурий тўловлардан озод;
- маълумотлар сир сақланиши тўлиқ кафолатланади;
- эгалик қилиш ҳамда тасарруф этиш ҳуқуқи ўз ихтиёрингизда;
- миқдори чекланмаган.

www.asakabank.uz Хизматлар лицензияланган.

«Асака» банки сармоянгизнинг сақланиши ва кўпайишини кафолатлайди!

Халқ сўзи Народное слово

МУАССИСЛАР:
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вази́рлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Ғ — 545. 112 922 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоסי келишилган нархда.

Газетамиз ҳақидаги маълумотларни юзлаб олиш учун QR-коднинг телефонингиз орқали сканер қилинг:

ТЕЛЕФОНЛАР:
Девонхона (0-371) 233-52-55;
Котибият (0-371) 233-10-28; Ўзлонлар (0-371) 232-11-15.

ISSN 2010-6784

Тажриятта келган қўлағмалар тақриз қилинмайди ва муаллифга қайтарилмайди.

Газетанинг сўзасиб берилиши учун обуни расмийлаштирилган ташкилот жаобгар.

Газета таҳририят компьютер марказида терилди ҳамда оператор Ж. Тоғас томонидан саҳифаланди.

Газетанинг полиграфик жиҳатдан сифатли чоп этилишига «Шарқ» нашриёт-матбаа акциядорлик компанияси масъул. Босмахона телефони: (0-371) 233-11-07.

• МАНЗИЛИМИЗ:
100000,
Тошкент шаҳри,
Матбўтчилик кўчаси, 32-уй.
Навбатчи муҳаррир — М. Жонионов.
Навбатчи — З. Ашурова.
Мусахҳас — С. Исмолов.

«Шарқ» нашриёт-матбаа акциядорлик компанияси босмахонаси. Корхона манзили:
«Буюк Турон» кўчаси, 41. ЎЗА якуни — 04.55 Топширилди — 05.50 1 2 3 4 5 6